

→ PENDIDIKAN

QS UNIVERSITY RANKINGS: ASIA 2016

UM, UPM tersenarai 50 terbaik Asia

Penilaian
350 universiti
utama serantau
ikut 9 indikator

Oleh Basir Zahrom
sitiazila@bh.com.my

Kuala Lumpur

Tiga universiti penyelidikan negara menunjukkan peningkatan dalam senarai QS University Rankings: Asia 2016 dengan dua daripadanya tersenarai dalam 50 universiti terbaik Asia.

Universiti Putra Malaysia (UPM) mencatat kejayaan membanggakan apabila melonjak 17 tangga daripada kedudukan ke-66 pada tahun lalu kepada kedudukan ke-49, manakala Universiti Malaya (UM) memperbaiki kedudukan daripada kedudukan ke-29 pada 2015 kepada 27, tahun ini.

Senarai penarafan universiti terbaik Asia yang dikeluarkan pa-

Info

QS University Rankings: Asia 2016

Universiti	2016	2015	↓↑
UM	27	29	↑
UPM	49	66	↑
USM	51	49	↓
UKM	55	56	↑
UTM	63	61	↓

da laman sesawang rasmi www.topuniversities.com semalam, turut menyaksikan Universiti Kebangsaan Malaysia (UKM) naik satu kedudukan daripada 56 kepada 55.

Melangkaui sasaran

Naib Canselor UPM, Prof Datin Paduka Dr Aini Ideris, berkata pencapaian memberangsangkan UPM pada tahun ini melangkaui sasaran ditetapkan iaitu untuk mendapat 60 terbaik Asia.

"Pencapaian ini diharap dapat membantu melonjakkan lagi tahap kecemerlangan UPM yang pada akhirnya memberi sumbangan bermakna kepada kesejahteraan masyarakat dan kemajuan negara"



Pencapaian ini diharap dapat membantu melonjakkan lagi tahap kecemerlangan UPM yang pada akhirnya memberi sumbangan bermakna kepada kesejahteraan masyarakat dan kemajuan negara"

Dr Aini Ideris,
Naib Canselor UPM

falsafah (PhD).

Bagaimanapun, Universiti Sains Malaysia (USM) dan Universiti Teknologi Malaysia (UTM), masing-masing turun dua anak tangga, iaitu daripada kedudukan 49 kepada 51 dan 61 kepada 63, manakala Universiti Utara Malaysia (UUM) berganjak 56 anak tangga berbanding 193 tahun lalu.

Kedudukan 137

Naib Canselor UUM, Prof Datuk Seri Dr Mohamed Mustafa Ishak, berkata pencapaian di kedudukan 137 itu meletakkan UUM pada kedudukan ke-21 di Asia Tenggara, ketujuh di Malaysia dan keenam dalam kalangan universiti awam.

Universiti Teknologi PETRONAS menduduki tempat ke-127, Universiti Islam Antarabangsa Malaysia (151), Taylor's University (179), Universiti Teknologi MARA (181) dan Multimedia University (193).

National University of Singapore dan The University of Hong Kong masing-masing mengekalkan kedudukan pertama dan kedua, manakala Nanyang Technological University, Singapura berjaya merampas kedudukan Korea Advanced Institute of Science and Technology di tempat ketiga.